

**Kommunit inuussutissarsiuutini il.il. aningaasaliinermikkut inuussutissarsiuutinik  
ineriartortitseqataanissaminut periarfissaat pillugit Inatsisartut  
inatsisissaattut nr. xx, uu. qqqq 2003-meersussatut siunnersuut.**

## **Kapitali 1**

*Siunertaa nassuiaatillu*

**§ 1.** Inatsimmi siunertarineqarpoq kommunit najukkani nunallu immikkoortuini inuussutissarsiuutinik siuarsaaqataanissaasa aaqqiivigineqarnissaat inuussutissarsiuutini il.il. aningaasaliinikkut, qularnaveeqqusiinikkut imaluunniit tapiissuteqarnikkut inuussutissarsiuutinik pilersitsinermut, suliffeqarfiiit pioreersut ineriartortinnissaannut, tunisassiat ineriartortinnissaannut kiisalu kinguaariit nikinnerisa ingerlanneqartarnerat qulakeernissaat.

**§ 2.** Kommunit inatsimmi uani imatut paasineqassapput aammattaaq kommunitut ataatsimoortutut, kommunit ataatsimoorfiisut, kommunit ataatsimoorlutik aningaasaateqarfiiisa pilersinneqartut assigisaasalu aaqqissuunneqarneri, kommunimit ataatsimit kommuninilluunniit arlalinnit peqataaffigineqartut.

## **Kapitali 2**

*Atuuffia, tigusisussat nalinginnaasumillu piumasaqaatit*

**§ 3.** Kommunit inatsit manna malillugu erseqqinnerusumik aalajangersakkani:

- 1) Suliniaqatigiiffinnut, ingerlatseqatigiiffinnut kattuffinnulluunniit allanut, kommunimi kommuninilluunniit arlaqartuni inuussutissarsiuutinik siuarsaanermik siunertaqartunut suliassatut pilersaarutit il.il. pillugit siunnersuineq aqqutigalugu tapiissuteqarsinnaapput.
  - 2) Ingerlatseqatigiiffinni inuussutissarsiuutinik ingerlataqartuni aktianik imaluunniit piginneqataassutinik pigisassangortitsisinnaapput pisillutilluunniit.
  - 3) Aningaasaliissuteqartarfinni akuerisaasuni il.il. taarsigassarsinikkut suliffeqarfiiit, suliniaqatigiiffiit peqatigiiffiilluunniit qularnaveeqqusiisinnaapput.
  - 4) Noqquissiatut tunisassiat ineriartortinnerannut aammalu inunnut, suliffeqarfinnut, suliniaqatigiiffinnut peqatigiiffinnulluunniit kiffartuussinikkut tapiissuteqarsinnaapput.
  - 5) Nunalerinermik suliffeqarfinnik aallartitsinermut tapiissuteqarsinnaapput.
- Imm. 2.* Kommunit najukkani nunalluunniit immikkoortuani inuussutissarsiuutinik ineriartortitsinerup siuarsarnissaanut aningaasaliinissatut periarfissanut suliassatut pilersaarusrnermut, piareersarnermut misissuinermuulluunniit aningaasartuutit

amerlanngitsut akilersinnaavaat.

*Imm. 3. Inatsit manna naapertorlugu aningaasaliissutinik, taarsigassarsianut qularnaveeqqutinik tapiissutinillu tigusisussat Kalaallit Nunaanni tamarmiusumik akileraartussasuussapput piffissami tapiissutit tunniunneqarfianni aammalu Inuussutissarsariummik Ingerlataqartunik Nalunaarsuiffimmut (IIN) nalunaarsimassallutik.*

**§ 4.** Aningaasaliinermut, qularnaveeqqusinermut aammalu tapiissuteqarnermut § 3, imm. 1, nr. 2-5 naapertorlugit piumasaqaataavoq, suliassat suliassatut pilersaarutinut, suliffeqarfinnut il.il. inuussutissarsiornermk siunertaqartunut aammalu suliassanut aningaasatigut sinneqartoorteqarnissamik siunertaqartunut attuumassuteqarnissaat.

*Imm. 2. § 3, imm. 1 nr. 2-5 malillugit aningaasaliineq, qularnaveeqqusiineq tapiissuteqarnerlu tamatigut piumasaqaatit erseqqissut aammalu ingerlatsinermi aningaasaqarniarnerup piviusorsiortumik naliliivigineqarnerat tunngavigalugit pisassapput.*

*Imm. 3. Suliassatut pilersaarutinut, suliffeqarfinnut, suliniaqatigiiffinnut peqatigiiffinnulluunniit aningaasaliisoqassanngilaq, aningaasaliineq suliffeqarfinnut pioreersunut il.il. unammilleqatigiinnikkut equsoorutaassappat.*

*Imm. 4. Imm. 3-mi aalajangersagaq nunalerinermi pilersitsinermut tapiissutinut atuutinngilaq.*

*Imm. 5. Kommuni, inatsit manna tunngavigalugu aningaasaliisoq, qularnaveeqqusiisoq, suliassatulluunniit pilersaarummut suliffeqarfimmulluunniit tapiissuteqartoq, suliassatut pilersaarummik suliffeqarfimmilluunniit pineqartumik nammineerluni ingerlatsissanngilaq ingerlanneranulluunniit pingaaruteqartumik sunniuteqaqataassanani.*

**§ 5.** Inatsit manna naapertorlugu aningaasaliisoqarsinnaanngilaq, qularnaveeqqusiisoqarani tapiissuteqartoqaraniluunniit

- 1) siunertanut, aalisarnermut, piniarnermut nunalerinermullu tapersiisarneq pillugu Inatsisartut peqqussutaanni pineqartunut,
- 2) suliffeqarneq pillugu inatsisiliap ataanniiittunut, imaluunniit
- 3) tamatuma peqatigisaanik inuussutissarsiutit siuarsarneqarnissaat pillugu inatsit naapertorlugu suliassatut pilersaarummut tassunga qularnaveeqqusiisoqarpat qularnaveeqqusiisoqarsimappalluunniit tapiissuteqartoqarsimappat.

### Kapitali 3

#### *Aningaasaatitut akisussaaffigineqartunik akiliuteqarneq*

**§ 6.** Inatsimmi matumani killigitinneqartutut taaneqartutigut inuussutissarsiornermk ingerlatsivimmi aktianik piginneqataassutinilluunniit pisisoqarsinnaavoq inuussutissarsiorfimmik nutaamik pilersitsinermut imaluunniit inuussutissarsiorfiup pioreersup allineqarneranut atatillugu.

*Imm. 2. Kommuni imm. 1 malillugu aningaasaliippat aammalu pisiarineqarnissamik neqerooruteqartoqarluni, taava aktiaataasinnaasut piginneqataassutaasinnaasullu tunineqassapput tunisinerup nalaani naligitinneqartutut aalajangersarneqartut malillugit.*

## **Kapitali 4** *Qularnaveeqqusiineq*

**§ 7.** Kommuni inatsisip killiliussaasa iluanni suliassanut makkununnga atasumik qularna veeqqusiisinnavaoq:

- 1) Suliffeqarfimmik pilersitsinermut.
- 2) Kinguaariit nikinnerannut atasumik suliffeqarfiup ingerlateqqinneranut, taamaattorli tak. § 8.
- 3) Suliffeqarfiup pioreersup allineqarneranut.

**§ 8.** Kinguaariit nikinnerannut atatillugu qularnaveeqqusiisoqarneranut piumasaqaataavoq,

- 1) kinguaariit nikinnerata ingerlanissaanut pilersaarut suliarineqarsimassasoq aammalu
- 2) paasisimasaqartumit nalilerneqareerpat kinguaariit nikinnerat pineqartoq, naliliinerlu malillugu suliffeqarfiup ingerlateqqinnissaa imminut akilersinnaasoq.

**§ 9.** Kommuni qularnaveeqqusiisinnavaoq aningaaserivimmi, sparekarsimi, aningaasaliisarfimmi akuerisaasumi, Nunat Avannarliit Killiit Aningasaateqarfianni imaluunniit taakkua arlaasa ataatsimoortinneranni taarsigassarsianut qularnaveeqqusiutit. Piffissaq qularnaveeqqusiissutit akilersorneqarfiat taarsigassarsiat allat akilersorneqarfiattut sivisutigissaq.

*Imm.* 2. Inatsit manna malillugu kommuni amerlanerpaamik taarsigassarsiat 50 %-iinik qularnaveeqqusiisinnavaoq. Taarsigassarsiat niuernikkut piumasaqaatit malillugit taarsigassarsiaassapput, taamaattorli sivisunerpaamik ukiuni qulini akilersorneqassallutik.

*Imm.* 3. Kommuni taarsigassarsianut qularnaveeqqusiisinnavaoq suliffeqarfinnut, suliniaqtigifiinnut peqatigiiffinnullu, piffissaq taarsigassarsiat tunniunneqarfianni Kalaallit Nunaanni inuussutissarsiummik pineqartumik ingerlataqarsinnaatitaasunut.

*Imm.* 4. Qularnaveeqqusiinermi akisussaaffik qanoq ilisukkulluunniit akiitsut sinnerinut, aningaasat taarsigassarsiarineqartut amerlassuserisimasaasa ilaannut qularnaveeqqusiinertulli iinnassaaq.

*Imm.* 5. Kommunip inatsit manna naapertorlugu qularnaveeqqusiineq pilersinnagu taarsigassarsiniartumit sallunaveeqqusiinissaa qulakkeersinnaavaa.

**§ 10.** Taarsigassarsiat annikinnerusut naammassineqanngitsoorpata qularnaveeqqusiissuteqarneq aningaasaliissuteqartarfimmit qinnuteqartoqarneratigut atulersinneqassaaq.

*Imm.* 2. Kommuni qularnaveeqqusiisoq, akileeqqusissummik naammassinninngitsuuinermi akiitsullip akiitsut sinnerinut aningaasanut qularnaveeqqusiissutaanut ilaatinneqalissaaq.

## **Kapitali 5** *Tunisassiat ineriartortinnissaannut tapiissutit*

**§ 11.** Kommuni tunisassiat ineriertinnerannut kiffartuussinernullu tapiissuteqarsinnaavoq.

*Imm. 2.* Piumasaqaataavoq tunisassiap suliarinera kiffartuussinerulluunniit ingerlanneqarnera Kalaallit Nunaanni pissasoq.

**§ 12.** Kommuni ukiut ataasiakkaarlugit tapiissuteqarsinnaavoq.

Tapiissuteqartoqareersimappat tamanna tapiissuteqartoqaqqinnissaanik kinguneqassangilaq. Tapiissutit qinnuteqaateqarnikkut suliassatut pilersaarutip paasisimasalimmit naliliivigineqareerneratigut tunniunneqassapput.

*Imm. 2.* Tapiissutit aningaasaliissutigineqartut tunniunneqartarnerat unitsinneqarsinnaavoq:

- 1) Suliassatut pilersaarut ingerlanneqarsinnaanngitsutut nalilerneqarpat,
- 2) Piissutisisussaq eqqunngitsunik paatsuunganartunillu paasissutissiisimappat,
- 3) Tapiissutisisussap tapiissutit tunniunneqarnissaannut paasissutissat pingarutillit nipangiusimasimappagit,
- 4) Tapiissutit tamakkerlutik ilaannakorlutilluunniit siunertaninngarnit allanut atorneqarsimappata.

## **Kapitali 6**

*Pilersitsinermut tapiissutit*

**§ 13.** Kommuni pilersitsinermut tapiissuteqarsinnaavoq suliniaqatigiiffinnut il.il. nunalerinermilu suliffeqarfinnut § 3-mi, imm. 1-im, nr. 1-im taaneqartunut aamma nunalerineq pillugu Inatsisartut inatsisaat tassungaluunniit aalajangersakkat naapertorlugit.

## **Kapitali 7**

*Utertillugit akiliuteqarneq*

**§ 14.** Tapersiissutit tapiissutilluunniit pisussaaffeqanngitsumik tunniunneqartut utertillugit akilerneqarnissaat piumasaqaatigineqarsinnaavoq.

## **Kapitali 8**

*Allaffissorneq nakkutilliinerlu*

**§ 15.** Inatsit manna naapertorlugu ikorsiissutit, tapiissutit il.il. pillugit Naalakkersuisut malittarisassanik aalajangersaasinhaapput.

*Imm. 2.* Kommunip Kommunit Nakkutilliisoqarfiat akuersiteqqaartinnagu aningaasaliissutinut qularnaveeqquisiissutinullu aningaasanut aalajangersimasumik amerlassusilikkanut pisussaatinnginnissaa pillugu Naalakkersuisut malittarisassanik aalajangersaasinhaapput.

*Imm. 3.* Naalakkersuisut inatsit manna naapertorlugu peqataatitaqarneq pillugu

nalunaarusiornissamut malittarisassanik erseqqinnerusunik aalajangersaasinnaapput.

*Imm. 4. Naalakkersuisut kommunini ataatsimoorussamik ingerlatsivissat*

pilersinnerannut ingerlannerannullu, kommunit ataatsimoorlutik

ningaasaateqarfimmik pilersitsineranni imaluunniit inatsimmi matumani

siunertarineqartut eqqarsaatigalugit taamaangajattunik aaqqissuussinerni

erseqqinnerusunik aalajangersaasinnaapput, tamatumani ilanggullugu tamakkua

qanoq annertutigisumik pilersinneqarnissaannut Kommunit Nakkutilliisoqarfiat

akuersitinneqaqqaassasoq.

*Imm. 5. Naalakkersuisut inatsit manna naapertorlugu ikorsiissutit tapiissutilluunniit*

utertilugit akilernissaat pillugu malittarisassanik erseqqinnerusunik

aalajangersaasinnaapput.

**§ 16.** Kommunip, Inatsisartut inatsisaat manna naapertorlugu ningaasaliisup  
tapiissuteqartulluunniit, naatsorsuutimini naatsorsuusiornerminilu  
ningaasaliinermut sanatitsinermulluunniit ningaasartuutit kommunip nammieq  
akilissavai. Kapitali 4 naapertorlugu kommunimit qularnaveeqqusiineq kommunip  
naatsorsuutaani pisussaaffittut allassimassaaq.

*Imm. 2. § 3 naapertorlugu tigusisussaq imaluuniit taakkunannga piginnittooq  
pisortanut akiligassaqarpat, kommuni ningaasaliissaq, qularnaveeqqusiilluni  
tapiissuteqarluniluunniit, akiitsut akilersornissaannut isumaqtigiissuteqartoqarnissa  
nalinginnaasumillu maleruarneqarnissaalu naatsorsuutigalugit.*

*Imm. 3. Kommunit Nakkutilliisoqarfiat akuersiteqqaarnagu ningaasaliisoqarani,  
qularnaveeqqusiisoqaraniluunniit tapiissuteqartoqassanngilaq akiitsuerunnissamik,  
akiitsut ikililernissaannik imaluunniit akiitsut qanoq akilersorneqarnissaannik  
sulisulluunniit soraarsitaannginnissaannik siunertat tungaasigut.*

## **Kapitali 9** *Nakkutilliineq*

**§ 17.** Kommunit Nakkutilliisoqarfiata inatsit manna malillugu kommunit  
ingerlatseqataanersut nakkutigissavaa.

*Imm. 2. Kommunit Nakkutilliisoqarfiata – imaluunniit Kommunit  
Nakkutilliisoqarfiannit tamatumunnga piginnaatinneqartup – tassunga atatillugu  
kommunit, inuinnaat, suliffeqarfiiit il.il. inatsit manna malillugu ningaasanik  
pissarsisut, paassisutissanik naatsorsuutinillu nakkutilliinermut  
pisariaqartinneqartunik piumaffigisinjaavai.*

*Imm. 3. Kommunit inatsit manna malillugu kommunit atuinerat peqataatinnerallu  
pillugit ukumoortumik nalunaarusiaq nassiuutissavaat.*

## **Kapitali 10** *Pineqaatissiinermut aalajangersakkat*

**§ 18.** Kinaluunniit, Kalaallit Nunaanni pinerluttulerinermi inatsimmut akerliusumik  
tapiissuteqarfingineqarnissanilu anguniarlugit eqqunngitsunik paatsuunganartunillu

paasissutissiisoq nipangiussisorluunniit, akiliisitaasinnaavoq. Akiliutit naalagaaffiup karsianut nakkartinneqassapput.

*Imm. 2. Unioqqutitsineq suliffeqarfimmit naalagaaffimmit, Namminersornerullutik Oqartussanit, kommunimit imaluunniit kommuninit ataatsimoortunit, ingerlatseqatigiiffimmit, piginneqatigiiffimmit, piginneqataassuteqarluni ingerlatseqatigiiffimmit, kommuninit ataatsimoortumik assigisaannilluunniit ingerlanneqartumit pisimappat, akiliisitaanissamut akisussaassuseq suliffeqarfiup qanoq inissisimaneranut tutsinneqarsinnaavoq.*

**§ 19. Kinaluunniit akiliisitaasinnaavoq :**

- 1) § 15 naapertorlugu aalajangersakkanik unioqqutitsisoq.
- 2) § 16-imik unioqqutitsisoq.
- 3) § 17, imm. 2 naapertorlugu paasissutissanik tunniussiumanngitsoq.
- 4) § 17, imm. 3 naapertorlugu ukiumoortumik nalunaarusiamik nassiussiumanngitsoq.

*Imm. 2. Imm. 1 naapertorlugu akiliut naalagaaffiup karsianut nakkartinneqassaaq.*

*Imm. 3. Unioqqutitsineq suliffeqarfimmit naalagaaffimmit, Namminersornerullutik Oqartussanit, imm. 2 naapertorlugu kommunimit, ingerlatseqatigiiffimmit, piginneqataassuteqarluni ingerlatseqatigiiffimmit, piginneqatigiilluni ingerlatseqatigiiffimmit assigisaanilluunniit ingerlanneqartumit akiliuteqarttsinissamut akisussaaffik suliffeqarfiup qanoq ittuunera apeqqutaatillugu tutsinneqarsinnaavoq.*

## **Kapitali 11**

### *Atulersitsineq ikaarsaariarnermilu aalajangersakkat*

**§ 20.** Inatsit 1. januar 2004-mi atulersinnejassaaq. Tamatuma peqatigisaanik Kommunit inuussutissarsiutini aningaasaleeqataasinnaanissaat pillugu Inatsisartut inatsisaat nr. 22, 3. november 1994-imeersoq atorunnaarpooq.

*Imm. 2. Imm. 1-imi aalajangersagaq eqqaassanngikkaanni nalunaarutit maligassiallu allat, Kommunit inuussutissarsiutini aningaasaleeqataasinnaanissaat pillugu Inatsisartut inatsisaat nr. 22 3. november 1994-imeersoq tunngavigalugu atulersinnejartut, atorunnaarsinnejarnissamik tungaannut atuutiinnassapput.*

*Imm. 3. Taarsigassarsiniarnissamik, qularnaveeqquusiinissamik imaluunniit tapersiissuteqarnissamik il.il. neriorsuutit Kommunit inuussutissarsiutini aningaasaleeqataasinnaanissaat pillugu Inatsisartut inatsisaat nr. 22 3. november 1994-imeersoq tunngavigalugu tunniunnejartussat, atuutiinnassapput.*

Hans Enoksen

/

Kaj Kleist